



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De eo quòd quidam in conuersione sua ordines sacros celantes, propter
humilitatem Conuersi fiant, cap. 39.

urn:nbn:de:hbz:466:1-13177

*Celatus
ordo sa-
cer.*

TANTA est virtus humilitatis, vt eius amore s̄æpe ad ordinem venientes clerici laicos se simulauerint, malentes pecora pascere, quām libros legere, satius ducentes in humilitate Deo seruire, quām propter sacros ordines, vel litteraturā, ceteris præesse. Hoc quia s̄æpius in ordine cōtigit, ita vt de Cōuersis fierent monachi, ante hos quatuor annos definitū est in capitulo generali, vt tali modo conuersi manerent inter Cōuersos. Eodē anno quidā veniēs, vt puto Diaconus, laicum se simulans, in Cōuersum suscep̄tus est; cuius Abbas cūm postea, nescio quo prodente ordines intellexisset, in sequenti capitulo casum eundem proposuit; & quia viris discretis videbatur omnino absurdū, vt quis in tā sublimi ordine positus foret sine caractere corona, & sine sacrorum ordinū execu-tione, sententiam mutauerunt. **APOLLONIVS:** Nō miror si aliqui celant suos ordines in conuersione, cūm legamus priscis temporibus feminas, vt fuit beata Eugenia, & sancta Eufrosina, atque beata Marina, secundum virilem simulasse. **CÆSARIUS:** Quid hoc miraris factum temporibus priscis, cūm recentiori tēpore simile in ordine nostro contigisse sciamus? **A P O L L O-**
N I V S: Hoc omnibus modis scire desidero, videlicet à qua persona, vbi, vel quomodo tam mirabilis facta sit conuersio. **CÆSARIUS:** Femina, de qua dicturus sum, quæ fuerit, vel quomodo ad ordinem venerit, seu quo modo in ordine fuerit, vel consummauerit, sicut nobis retulit monachus quidam, qui cū ea nouitius fuerat in probatione, fida tibi pandam relatione.

CAPVT XL.

*Sexus dis-
simula-
tus.*

IN ciuitate Nussia, quæ quinque miliaribus distat à Colonia ciuitate magna, ciuis quidā habitauit, filiam habens formosam ac dilectam, nomine Hildegundem; quam vxore defuncta, cūm adhuc esset in ætate tenera, orationis gratia secū Ierosolymā duxit. In reditu verò infirmatus pater, apud Tyrum, diem clausit extreum. Moriens autem filiā, & omnia quæ habuit, ministri sui fidēi commendauit; sed fidem non

seruans